

30

25

20

15

10

5

113
863
22

說約
合參

四書正解

卷之二十二

孟子 謂義上



卷之二十二
863
22

四書大金說約合參正解卷之二十二

童嘉駒幼子正解

丹陽吳荃荔石彙輯

受業門人劉鶴齡天與全校

孟子

周陞獻輯思

離婁章句上

凡二十一
八章

離婁章全旨

此章總是論爲治者在寔行先王之仁政，離婁三

節言舍法無以爲治，不愆三節，言治法在所當遵。
惟仁者三節責其君，踐行仁政，天之方蹶，四節責其臣，當輔
君，以行仁政，其寔責臣，正所以責君也。鄒氏總註段落甚明。
但惟仁者正承仁心，仁政來而天之方蹶亦承襲亡無日來。
文自相貫也。○此處論政，獨重在法與他處論政，不同。孟子
因當時諸侯於井田學校之類古，
法當遵者皆不肯遵，故發此論。

孟子曰離婁之明公輸子之巧，不以規矩不能

成方員師曠之聰，不以六律，不能正五音。堯舜

之道，不以仁政，不能平治天下。

離婁古之明目者公輸子名班魯之巧人也規所以爲員之器也矩所以爲方之器也師曠晉之樂師知音者也六律截竹爲筩陰陽各六以節五音之上下黃鐘大簇姑洗蕤賓夷則無射爲陽太呂夾鐘仲呂林鐘南呂應鐘爲陰也五音宮商角徵羽也范氏曰此言治天下不可

無法度仁政者治天下之法度也

合衆孟子曰天下之事必有爲之之具而後有其功以制器言之如離婁至明公輸子至巧若可出其明巧以成方員矣然民使不規矩則明巧無所施亦不能成方員以作樂言之師曠至聽若可出其聰以正五音矣然使不用六律則聰無所寄亦不能正五音曲藝且然而况治天下乎堯舜有愛天下之至道若可下運其心以成治矣然使不以仁政則教養無真亦不能使民遂生復性而平治天下而况不及堯舜者乎蓋爲治當行仁政如此

析講離婁名朱黃帝時人黃帝亡其玄珠使離朱烹之明察秋毫幽室中能辨五色橫邪直曲見不爽絲毫公輸子卽魯班嘗爲弓作木人爲御機關發其車遂行又爲木鳶令之自飛又爲楚作百丈雲梯以攻宋師曠字子野嘗歌南風而知楚師之無功考鐘聲而知天地之絶虛○呂氏春秋云晉平公鑄鐘師曠曰不調請更鑄之平公曰吾皆以爲調矣曠曰後有知音者將知不調至師涓果知鐘之不調○上二蘊蓄運用於內者言下文仁心思等字類皆是仁政不外教養之法天下之人皆遂生復性便是平治○醒言規矩二段不作喻說只是借來以起下也堯舜之道道字指仁心之艮借來引起堯舜卽堯舜亦是借說見聖人治天下亦不能處法也况後人乎○通章道字指仁政惟堯舜之道道字屬仁心一邊○律呂之法每三分而損益隔八位以相生凡陽律三分其數而損一分以下生陰陰律三分其數而益一分以上生陽如黃鐘之數八十二損十七得五十四管至長聲至濁所以正官林鐘數五十四益十八得七十一管次短聲次清所以正徵南呂數四十八益十六得六十四管至短聲至清所以正羽太簇數七十二損二十四得四十八管次

長聲次濁所以正商姑洗數六十四無損益管不長不短聲半清半濁所以正角○一寸分爲九數黃鐘長九十故爲八十一數○十二律黃帝所作陽六爲律陰六爲呂只言六律者陽統陰也○趙氏憲曰律法也言陽氣與陰氣爲法呂助也言陰氣助陽宣氣總言之陰陽皆稱律陽律位子寅辰午申成陰律位丑卯巳未酉亥拔十二月○吳氏徵曰五音最濁者爲官稍濁者爲商微濁微清者爲角稍清者爲徵最清者爲羽十二管長者聲濁而下短者聲清而高官商角徵羽之高下無定準必以律管長短定之每律之官各有商角徵羽而不相亂則長短之度不差分釐聲乃調匀施之八音皆然而無相奪倫矣

今有仁心仁聞而民不被其澤不可法於後世者不行先王之道也

聞去一聲

仁心愛人之心也仁聞者有愛人之聲聞於人也先王之道行政是也范氏曰齊宣主不忍牛之死以羊易之可謂有仁心梁武帝終日食蔬素宗廟以麪爲犧牲斷死刑必爲

之涕泣天下知其慈仁可謂有仁聞然而宣主之時齊國不治武帝之末江南大亂其故何哉有仁心仁聞而不行先王之道故也

參序是所見堯舜之澤被當時法垂後世者惟以其以仁心行仁政也試觀今之君亦有不忍人之心萌于中而不忍人之仁聞著于外而當時之民不寔被其澤不可爲法于後世者由其不行先王行政之道也此所謂不以仁政不能平治天下也

析講此節卽當時不行仁政不能爲治以誠上節不以仁政二句意也言仁心而兼言仁聞者有寔必有名也蔡氏曰仁心溢爲仁聞澤今所以傳後一語最透○胡雲峰曰上文云堯舜之道此云行先王之道道一而已有仁心則此道蘊于中是爲美意有仁政則能行此道于外是爲良法○問孟子謂齊宣是心足以王今日有仁心而不行先主之道則是仁心不足特而先王之道又在此心之外也朱子曰是心足王王者則可以王耳非謂專恃此心而直可以王也○章內先王之道先王之法凡四見是通章提掇語最冥着眼

故曰徒善不足以爲政，徒法不能以自行。

徒猶空也。有其心無其政。是謂徒善有其政無其心。是謂徒法。程子嘗言爲政須要有綱紀文章謹權審量。讀法平價皆不可闕。而又曰必有闕雖麟趾之意。

然後可以行周官之法度。正謂此也。

衆序故曰人君徒有善意而無法以運之。則恩無寔事不足。以爲政而治天下等之。徒有成法而無心以主之。則事爲虛文。不能以自行。而覃主恩。是則仁政固也。

當本諸仁心而仁心尤當達之。仁政也。

析講此總上兩節。而斷其舍法無以成治意重。徒善句。徒法句。陪說不可云徒善不足以爲政。猶徒法不能以自行。如此似譬喻了。○章內故曰者從上面斷說。非古語也。○孟子他處論政重心。此章論政重法。法者心之寄也。無法將何處用。吾心平。心與法離不得。○存疑

此二句是承上文而結其意。

詩云不愆不忘率由舊章遵先王之法而過者。

未之有也

詩太雅假樂之篇愆過也。率循也。章典法也。

所行不過差。不遺忘者以其循用舊典故也。

參存疑。徒善既不足以爲政。則先王之法信不可不遵矣。詩稱頌王嗣云。人君所行無用意過當。而至于愆無照顧不及。而黑于忘者。惟其循用舊典之故。以此觀之。先王之法咸正當。故遵之而不過差。咸具備。故遵之而不遺忘。若遵先王之法。舉行仁政。而猶有愆忘之過。不能平治天下。下者決。未之有也。人亦何爲而不遵哉。

析講大全蔡氏曰。以上皆反言不行。先主之道。不可以平治天下。此節承上正言遵先主之法。可無愆忘之過。○上節已收拾上文。合法無以成治意了。此節則起下文法所當遵意。也過即愆忘而不能平治天下。意亦包在內。愆是悖戾不如合天理。不若人情忘是踈忽。

漏卮太綱未舉。萬目赤張。

聖人既竭目力焉繼之以規矩準繩以爲方貞

平直不可勝用也既竭耳力焉繼之以六律正五音不可勝用也既竭心思焉繼之以不忍人之政而仁覆天下矣

勝平一聲

準所以爲平繩所以爲直覆被也此言古之聖人既竭耳目心思之力然猶以爲未足以徧天下及後世故制爲法度以繼續之則其用不窮而仁之所被者廣矣
合叅吾謂先王之法莫之無過者則以先王卽古聖人而聖人立法以及天下其利真無窮也聖人將以制器也既盡夫目力之明焉其所以察夫方員平直之理者已至矣又以器物可以目力而審不可以自力而成也故制爲規矩準繩之法度以繼續之以爲方員平直則徧天下與後世之欲制器者皆取法于此而不可勝用也聖人將以作樂也既盡夫耳力之聰焉其所以審夫五音之理者已至矣又以聲音可以耳力而辨不可以耳力而正也故制爲六律之法度以繼續之以正五音則徧天下與後世之欲審音者皆取法于此而

不可勝用也聖人將以仁民也既盡夫心思以運量之焉其所以籌畫夫仁天下之道已至矣又以下不施諸仁政徒有是心無所用也故制爲不忍人之政如教養之法度以繼續之則行之一時而仁徧當一世之天下行之萬一

世而仁徧後世之天下無不被其澤者矣

析講此節原聖人立法之善而見其當遵也提出聖人見得古來所留之仁政皆自聖人制出所以後世不可不遵耳○聖人卽上先王聖人二字貫一節既竭目力既竭耳力此與離婁師曠用法者不同此乃上古創制立法之聖人○輔慶源曰規矩準繩爲方員平直之法度也六律正五音之法度也不忍人之政仁天下之法度也百工之事皆聖人作故規矩六律仁政作一統說○以爲方員正五音緊連上卽聖人爲之正之不可勝用仁徧天下只就現成說不是待人取法了然後利及天下○兩言規矩六律前此說用法後正言立法○蒙引問在聖人本身若竭心思而不用仁政果能仁覆天下否曰分說堯舜之道不以仁政不能平治天下○存疑繼之以規矩二句文勢未斷下句連上句讀爲是不可勝用與仁覆天下俱當時後世說

故曰爲高必因丘陵爲下必因川澤爲政不因先王之道可謂智乎

丘陵本高川澤本下爲高下者因之則用力少而成功多矣鄒氏曰自章首至此論以仁心仁聞行先王之道衆序聖人法度之盡善無弊如此此正爲治者所當因也故曰爲高必然因丘陵爲下必然因川澤蓋丘陵川澤乃高下已成之形也因之則逸而有功此因利乘便之智也然則先王之道乃仁政已成之法卽爲政者之丘陵川澤也若爲政而不因先王之道則心思徒竭而治功無成反爲高下者之不若矣是猶可謂之智而明于爲政者乎甚矣仁政之不可不道也

析講蔡氏曰此行先王之道君臣俱在內下方分責君臣○上言遵先王之法無過此申明先王之法無過以見其當因而不因者所以爲不智也○可謂智乎在勞逸上見因先王則逸而有成不因先王則勞而無功此之不辨焉得爲智

是以惟仁者宜在高位不仁而在高位是播其惡於衆也

仁者有仁心仁聞而能擴而充之以行先

王之道者也播惡於衆謂貽患於下也

參淺說爲政必因先王是以天下人君惟以仁心行仁政之仁者則澤生民法後世而無歉于元后父母之責其在高位安也若不仁而在高位必且縱情肆欲大壞先王之法是播惡于衆而天下皆受其禍矣

析講是以二字領上遵先王來宜在高位有臣民胥被其化意上句不甚重只爲不仁句引起○臣民胥化爲不仁是不仁之惡流播于衆照下節看便明○此三節是專責爲君而不能行仁政者

上無道揆也下無法守也朝不信道工不信度

君子犯義小人犯刑國之所存者幸也

朝音

此言不仁而在高位之禍也。道義理也。揆度也。法制度也。道揆謂以義理度量事物而制其宜。法守謂以法度自守。工官也。度節法也。君子小人以位而言也。由上無道揆故下無法守。無道揆則朝不信道而君子犯義無法守則工不信度而小人犯刑有此六者其國必亡其不亡者僥倖而已。衆存疑何以見不仁在高位之禍蓋人君者百官萬民之統也有道之君在上其所行皆足以垂範則下而百官各奉職守法矣若爲君者自作聰明不下以道理揆度事物上也則臣下亦放縱而不下以法度自守也。凡物必用之而後信無道揆則道雖人所本有然以不用則玩視而朝廷不信道無法守則法雖朝廷所立然以不守而百工不信法度朝既不信道則既不信度則在下小人亦視半度爲汎常作奸作惡而干犯刑憲是皆相因之勢也。上不仁而臣民胥化于不仁所謂播惡于衆者如此其國必亡而不亡者僥倖而已。

析講上無道揆正言不仁而在高位此句重下五句皆播惡于衆之寔朝不信道二十句以心之蔑法言君子犯義二十句以身之犯法言上指君朝指朝廷雖所主在君亦兼在朝之

故曰城郭不完兵甲不多非國之害也上無禮下無學賊民辟貨財不聚非國之害也田野不興喪無日矣

辟與闢同

喪去聲

上不知禮則無以教民下不知學則易與爲亂鄒氏曰自是以惟仁者至此所以責其君秦存疑不仁之禍如此故曰城郭不完兵甲不多雖是不強于根本不傷非國之災也田野不闢貨財不聚雖是不富于

元氣無損非國之害也惟是道揆不立上不知禮無以教民則下不知學易與爲亂無良之賊民由是並興而國之喪亡無日矣是乃爲大災害也然則爲君者其可不行仁政乎析講此節申明上節乃甚言機惡之禍當時不行仁政之故病根在圖富強故言此以儆之上二段引起末段○以道義揆度事物各有條序所謂禮也學卽學此禮上無禮是無道揆也下無學則無法守可知而犯義與不信度等俱在其內至賊民興則小人犯刑而刑亦不足以治之矣

詩曰天之方蹶蹶無然泄泄

蹶居衛反

泄弋制反

詩太雅板之篇蹶顛覆之意泄泄急緩悅從之貌言天欲顛覆周室羣臣無得泄泄然不急救正之參淺說然不特爲君者當以此自責卽臣亦當以此責自任而輔其君也詩曰上天方欲顛覆周室正上下交儆之時也群臣無得泄泄然不急匡救之詩戒詞列如此

泄泄猶沓沓也

沓徒一合反

沓沓卽泄泄之意蓋孟子時人語如此

參達說夫詩所謂泄泄猶時語所謂沓沓也詞異旨同古今所共識也

析講達說自其詞而觀之泄泄一詞也沓沓又一詞也不可以言同自其意而觀之則泄泄此意沓沓亦此意也不可以言異太全蔡氏曰泄泄猶沓沓不徒訓字正

是引時俗所共惡者以深著其緩慢悞事之非上事君無義進退無禮言則非先王之道者猶沓

沓也

非詆毀也

參序泄泄猶沓沓矣不卽泄泄之寔言之所謂猶沓沓者未明也試言之人臣事君有當盡之義今不輔君以發政施仁是事君無義持身有當循之禮今進不能陳力就列而又不能熊止是進退無禮至其言則非毀先王仁政之道謂不可行全是因循容悅無體國盡忠之誠此乃詩人所謂泄泄而吾之所謂猶沓沓也

析講麟土日上言泄泄猶沓沓已想見此事君三句此三句

已畫出一個怠緩悅從，畫出一個泄泄，故帶口結。口猶沓也，蓋猶沓沓非是解沓沓之意，乃是說此正泄泄之寔，猶夫沓沓者也。○註怠緩悅從四字最妙。虛齋曰：此節務要以下文來反証，亦在此四字看出。○以下文反証本文，則下文理亦動矣。故曰：字方有力量也。

故曰責難於君謂之恭，陳善閉邪謂之敬，吾君不能謂之賊。

范氏曰：人臣以難事責於君，使其君爲堯舜之君者，尊君之大也。開陳善道，以禁閉君之邪心，惟恐其君或陷於有過之地者，敬君之至也。謂其君不能行善道而不以告者，賊害其君之甚也。鄒氏曰：自詩云天之方蹶至此，所以責其臣。○鄒氏曰：此章言爲治者當有仁心，仁聞以行先王之政，而君臣又當各任其責也。

參大全泄泄沓沓如此，君何用是臣爲乎？故曰：人臣先立大志，以帝王之道爲必可行，而責君以極難到之事，欲其以仁心行仁政，此正以堯舜望其君，而不敢以庸常待之。則謂之敬。若度其君不足與爲善而不之言，或謂君爲中才而不能以致大治，于是導之以功利而不輔之以仁義，此則不恭不敬，而謂之賊害其君者矣。此爲國者固當以仁心行先王之仁政，而非君臣同惡也。亦不能有成也。尚其共勉之哉。

析講此節總申上三節，是泄泄之不可也。責難是大綱陳善，閉邪是做責難。工夫陳善，閉邪不平處，善正所以閉邪也。多方開導使其君知善道之所在，則所謂邪者自不得而入之矣。恭與敬大槩也。一般只是恭意思，較濶大敬，意思較細密耳。意李朱子。

規矩章全旨

此章見爲治不可不以仁，意首二節，欲人法堯舜仁，亦只是見堯舜之仁當法，當以法堯舜爲主，中引孔子一段，見出乎堯舜卽入乎堯舜，無中立之一處可以托足也。前兼君臣說後，單言君而不及臣，意重在君，下邊也。然爲君者至六

此則爲臣者亦不得辭其責矣

孟子曰規矩方員之至也聖人人倫之至也

至極也人倫說見前篇規矩盡所以爲

方員之理猶聖人盡所以爲人之道

令叅孟子勉當時法堯舜以仁民曰凡天下事物皆有中正不可易之則如制器者員取諸矩規矩乃方員之至不可以加損者也天下之爲方員者其孰能外之若夫五品人倫人皆有之然或察之不能精由之不能盡惟聖人不可以加損者也蓋人倫之貴賤親疎等殺常變聖人則生而知之安而行之事事都合夫天理人情之極而造其全也天下之盡人倫者其孰能外之

析講大全蔡氏曰此以法之全者形容人倫之至毛字勿作高

遠看惟盡故至見不可移易增減令天下萬世之人倫都可

以之爲準則也○惟聖人事事做得盡無毫之過不及而

可爲法于世所以爲人倫之至觀下文云法堯舜便慢君賦

氏離了規矩便不成方員可見言外

便見人禮法聖人意不是徒贊聖人

欲爲君盡君道欲爲臣盡臣道二者皆法堯舜而已矣不以舜之所以治民治民賊其民者也

法堯舜以盡君臣之道猶用規矩以盡方

員之極此孟子所以道性善而稱堯舜也

參序人倫莫大于君臣聖人莫盛于堯舜欲爲君而盡乎君之道欲爲臣而盡乎臣之道二者皆法堯舜而已矣無有他也蓋堯舜之爲君爲臣者道之至也不以舜之所以事堯者事堯是以庸君世上待其君不敬其君者也臣之道不盡也此舜之所以當法也不以堯之所以治民者治民是以殘忍也其民賊害其民者也君之道不盡也此堯之所以當法也治爲其道卽法舜之事君亦法其爲堯治民者耳○蔡氏曰此承上言惟聖人盡人道之極故欲盡君臣之道者必取法

堯舜若不法堯舜便入于不仁不以四句就是出此入彼意
丁故下孔子之言以証之○欲爲君三十句言當法堯舜不
以四句甚言堯舜之不可不法耳法堯舜句內要點出堯盡
君道舜盡臣道意來堯舜盡君臣之道非有所增益也無所
處焉耳○欲爲君盡君道云是二句

不是四句欲字連帶着盡字讀方是

孔子曰道二仁與不仁而已矣

法堯舜則盡君臣之道而仁矣不法堯舜則慢君臣而不
仁矣二端之外更無他道出乎此則入乎彼矣可不慎哉
參序孔子嘗曰道只有二端仁與不仁而已矣由此觀之
堯舜之外別無君臣之道不法堯舜卽入于不仁矣豈容中立者哉

析講道只有一個仁安得有二所云者猶云此兩條路耳
要見得仁之外便是不仁更無別路可躲閃處仁與不仁在
孔子口氣中泛就天理人欲說君臣意補在後

暴其民甚則身弑國亡不甚則身危國削名之

曰幽厲雖孝子慈孫百世不能改也

幽暗厲虐皆惡溢也苟得其實則雖有孝子慈孫愛其祖考
之甚者亦不得廢公義而改之言

不仁之禍必至於此可懼之甚也

衆淺說爲君者至不法堯舜而不仁其禍何可言耶不仁而
暴其民甚則身被弑而國以亡不仁而暴其民不甚則身亦
危而國以削不但身受其禍而已且于其身沒之後據其暴
行加以惡溢名之曰幽曰厲雖有孝子慈孫愛其祖考之甚
亦不能違公義而易其惡溢蓋
百世不能改也不仁之禍至此

析講麟士曰按謚法動靜亂常曰幽殺戮無寧日厲○盧齊
曰言幽厲而不及策紂者策紂非謚也謚法周公始立也○
慶源輔氏曰不仁有淺深而其禍有大小以幽厲視策紂則
幽厲雖未至干身弑國亡然死蒙惡溢予
孫欲改不可不仁之禍豈不大可懼哉

詩云殷鑒不遠在夏后之世此之謂也

詩大雅蕩之篇言商紂之所當鑒者近在夏桀

之世而孟子引之又欲後人以幽厲爲鑒也

參序然則生其後者可知所鑒耶詩云殷之鑒戒不遠在

夏后之世此正人當以幽厲爲鑒之謂也鑒幽

厲之不仁以法堯舜之仁乃克盡君道也哉

析講麟土日詩朱註蕩爲厲主作也殷鑒在夏蓋爲殷主嘆

周之詞然周鑒之在殷亦可知矣則云殷鑒寔謂周鑒也正

欲厲主鑒紂耳不然況引一詩而

云又欲後人以幽厲爲鑒便無謂

三代章全旨

此承上章仁不仁之意而推言之雖自太子至七十

庶人却以國爲主提醒世主全在惡處三十字因

其所惡而進之以強仁也

孟子曰三代之得天下也以仁其失天下也以不仁

三代謂夏商周也禹湯文武以

仁得之桀紂幽厲以不仁失之

國之所以廢興存亡者亦然

國謂諸侯之國

參序不但天下也國之所以廢興存亡

者其以仁以不仁亦有如三代然者

析講興不仁存廢未至亡興存以仁廢亡以不仁故曰亦然

天子不仁不保四海諸侯不仁不保社稷卿大夫不仁不保宗廟士庶人不仁不保四體

言必死亡

參直解是則不仁亦何在而可也如天子有四海者也天子不仁則毫兆離心便不能保其四海諸侯有社稷者也諸侯

不仁則身危，國削便，不能保其社稷。卿大夫有宗廟者也。卿大夫不仁，則覆宗滅祀，便不能保其宗廟。士庶人有四體者也。士庶人不仁，則身罹刑憲，便不能保其四體。不

能保其四體，不仁之得禍，如此。

析講天子諸侯卿大夫之不仁，總在暴民，

上說士庶人之不仁，凡縱欲滅理處皆是。

今惡死亡而樂不仁，是猶惡醉而強酒。

惡去聲
樂音洛

強上聲

此承上章之意，而推言之也。

衆淺說凡此不能保者皆死亡之禍也。夫死亡甚可惡，而所以死亡則由于不仁。今惡死亡而乃樂不仁，是猶惡醉而強酒。雖欲免于死亡，其可得乎？如惡之，莫如爲仁。是在有國者矣。

析講陳氏曰：此承上章不仁身弑國亡而推言之也。

愛人章全旨

此爲當世之君好責人而忘自責者發，故以反求提醒之首節，虛論其埋次節，行字皆字正示以反求，王夫工夫既盡，則自有正身之化因，援詩以証之，引詩重

孟子曰：愛人不親，反其仁。治人不治，反其智禮。

入不答，反其敬。

治人之治，平聲

我愛人，而人不親。我則反求諸。

已恐我之仁未至也。智敬故此。

合參孟子勉世主反已曰：御人之道，在于盡己。如仁者，必于愛人。人之被其恩澤者，宜親而附之也。其或人不我親，必我仁有未至耳。則當自反其仁務使立，不獨立達，必俱達焉。智者明于治人，人之受其約束者，宜順其治也。其或人不我治，必吾智有未至耳。則當自反其智務使知無不明，處無不當焉。有禮者敬人，人之被其交接者，宜報而荅之也。其或人不我荅，必吾敬有未盡耳。則當自反其敬務外致其恭，內積其誠焉。

析講仁智敬俱就人君說愛人治人禮人，即仁智敬之所發。三反不徒罕空，自反便有愈加愛人治人禮人，意仁禮易曉。治人不治如何，反智益治人者政立，政者智也。治人是立

個紀綱以整理人不治卽人不就吾紀綱反其質者謂必知
有未明故處有未當也三人字俱指臣民三自反是愈加誠切意

行有不得者皆反求諸已其身正而天下歸之

不得謂不得其所欲不如親不治不答是也反求諸已謂反其仁反其智反其敬是也如此則其自治益詳而身無不正矣天下歸之極言其效也

參淺說不特此也凡于所行處事接人應物之間或有窒碍不得其所欲者皆反而求諸在己惟恐所以處之者殊盡某道如此則自修詳察而其身正矣視聽言動好惡取舍無一不當乎天理合乎人心雖天下之大服而歸之豈特一家一國之人我親我治我答而已哉

析講行有不得二句雖根上文三自反來玩註着二妃二字畧推開說不妨有說專主處事物有說專言接人似俱偏存疑云修身尚有許多事天下尚有許多人非容易可了必兼應物處事接人言之方備○反求工夫毫不外驚天下歸之總攝人身來深明其不必外求也○大全饒氏曰上三面句包

詩云永言配命自求多福

解見前篇亦承上章而言

泰序詩云人能常言令乎天理則天降多福皆自來之者然則天下之歸皆由身正夫豈僅致誠

有御人之責者其反已自勉而可剗

析講永是無間斷意反求正是配命之學皆反求正是

末言天下歸正是多福其身正而天下歸正是自求

人有章全旨此承上章身正而天下歸之意以立言只重義孟子欲揭此本以示人故舉恒言以推及之欲爲君者勿違本澄原之道也只重本上序意輕天下之本一句轉教是恒言所已及末一句重發是恒言所未及

孟子曰人有恒言皆曰天下國家天下之本在家國國之本在家家之本在身

登反

恒、常也。雖常言之，而未必知其言之有序也。故推言之，而又以家本乎身也。此亦承上章而推言之。太學所謂

自天子至於庶人，壹是皆以脩身爲本爲是故也。

衆蒙引孟子丞人知本。日天下之理，常寓于恒言。不可不察也。人有恒言，皆曰天下國家。然人雖言之，而未知其序。以究乎其本也。吾嘗因其言而推之。其言天下而卽繼以國。遠由於近。天下之本，在國也。其言國而卽繼以家外。由于內國之本，在家也。此恒言所及者，人甚可不修身。以立天下國家之本乎。家之本又在身。蓋一人者，遠近内外之所觀型也。此又恒言所涉及者，人甚可不修身。以立天下國家之本乎。

析講本文，雖遙說下其寔。天下國家之本俱在于身。身修則天下國家可從而理矣。三本字無工夫而修齊治平之意已。該在其虫。○饒雙峰曰：國王畿之內，天子所治天下四方諸侯之國天下，取則于國。國取則于家。家取則于身。人有恒言，猶云人所當說的話也。觀有字，可見不是恒人之言。小有辨。○上二本字乃是未中之本，特引起下二本字耳。重末句，爲政章全旨。

此承上天下國家之本，在身而言，重不得罪于巨室。一句，德教洋洋，便是爲政不難。見操之有要，不致

溢乎四海

巨室世臣太家也。得罪，謂身不正，而取怨怒也。麥丘邑人祝齊桓公曰：願主君無得罪於羣臣百姓。意蓋如此。慕向也。心悅誠服之謂也。沛然盛大流行之貌，溢充滿也。蓋巨室之心，難以力服，而國人素所取信。今既悅服，則國人皆服，而吾德教之所施，可以無遠而不至矣。此亦承上章而言，蓋君平不以惠人心之不服，而患吾身之不脩。吾身既脩，則人心之難服者，先服。而無一人之不服矣。○林氏曰：戰國之世，諸侯失德，巨室擅權，爲患甚矣。然或者不脩其本，而遽欲勝之，則未必能勝。而適以取禍。故孟子推本而言，惟務脩德以服其心。彼

既悅服則吾之德教無所留礙可以及乎天下矣裴度所謂韓弘與疾討賊承宗斂手削地非朝廷之力能制其死命特以處置得宜能服其心故爾正此類也

參蒙引當時諸侯皆以德教之不能廣被爲患而不知其本之不修故也故孟子曰人君而欲爲政于天下使德教廣被如此固事之至大者矣然以我觀之自不難也蓋其本只在正其身凡舉動施爲皆合于太中至正之道不使有非理致怨以得罪于巨室耳豈旣不得罪于巨室則巨室皆悅服而慕之矣巨室者一國人情之所瞻屬也巨室則巨室皆悅服而慕之皆中心悅服而慕之徳心慕我則我之政自易施于彼故德澤教化自沛然洋溢乎四海而無遠弗屆矣孰有阻其聲教者哉爲政又何難也人君反躬以求之可矣

析講爲政二字卽德教而然是也但首句懸空說起宜避照之世臣非一代之臣太家是貴官之家是兩項○一二不得罪便是慕了慕非但愛慕乃心服其德教也○不得罪者非巨室不無罪我乃我身上無可罪之隙自念他不得罪我也○

巨室慕而一國天下仰慕者所以人心不約而同非國與天下向巨室探討消息爲政苟藏住探之有要不假于威力故日不難下正言其所以不難也天下與國皆根巨室說德教之溢在向慕上來惟向慕有素明君與臣民之心合而爲一下故德教之施適切其權體之機既沛然無阻也此二句不遇人慕意而結言之以專歸爲政不難之意

政令所在一本之舉行申得之條故曰德教

天下章全旨

通章爲賦更倉于木者發在首節載上言順天以圓存下言順天以立命存自強則爲景公之事矣能自張云云可見老子原非以事大望諸侯也引景公正見之本意不重順天意重在修德歸仁以回天上觀朱子總註不能自強故不免于人後以起下今之諸侯不能自強而徒欲求免役于人必不可得正見修德存張之不容已也首三節意輕只激人以修德耳且在如其之三備上若以受命于人爲順天恐非立言之旨○陳先生不可爲衆仁字是二章首子大德大賢與師文王正係于此

孟子曰天下有道小德役大德小賢役大賢天下無道小役大弱役強斯二者天也順天者存逆天者亡

有道之世人人皆脩德而位必稱其德之大小天下無道人不脩德則但以力相役而已天者理勢之當然也

參序孟子勉當時諸侯強仁曰竊嘗覽古聞今當天下有道人皆修德而位必與德稱諸侯德之小者是役于天子之大德諸侯賢之小者見役于天子之太賢其相為事使惟以德也若天下無道人不修德但以力相尚諸侯國之小者見役于諸侯國之大者諸侯力之弱者見役于諸侯力之强者其相為事使惟以力也夫有道德不及人而為人所役無道力不及人而為人所役斯二者皆理之當然勢之不得不不然天之所生也若能度德量力而順其理以役于大德大賢順其勢以從于大國強國則有道必蒙眷顧無道必免侵凌而國以底不然而逆其理勢者則有道必致貶削無道必廢偏鈞

而國以亡必然之事也
析講大全問力役亦曰天何也朱子曰到那時不得不然亦是理當如此○饒氏曰雖曰時勢如此然有大德者便能回天便勝這待勢如下文主云云○蔡氏曰此節推論個理勢見人當聽命于天方之大小以土地言強弱以甲兵言上微字是心服下微字是力服順天逆天重小德小賢與小弱邊遠近故有小賢大賢此節上三句提起看側重無道邊爲當時言也故繼以齊景公及師文王之說○德之得于已者有多少故有大德小德賢之賢于人者有而女於吳女去聲

引此以言小役大弱役強之事也令出令以使人也受命聽命於人也物猶入也女以女與人也吳蠻夷之國也景公羞與爲昏而畏其強故涕泣而以女與之參大全順天固可圖存然欲回天以立命者惟在自強而已彼齊本强大之國至于景公不能自强大之政治所以强大之

吳得以役之故齊景有言曰凡人既不能昌大其國而出令以使人又不能屈已卑下以聽人之命是與人睽絕而失其和好也于是演出而以其女出嫁于吳特以吳之强大而齊不能與之爭故也

析講此雖引誑能順無道之天亦見其徒耻不能自強以起諸侯不能自強者○絕物即是逆天涕出即是耻處下文耻字從此討出乃激發今人羞惡本心○備考越絕書闔廬伐齊大克取齊王女爲質子爲造齊門齊女思其國死葬虞西山

今也小國師大國而恥受命焉是猶弟子而恥告受命於先師也

言小國不脩德以自強其般樂怠教皆若效

大國之所爲者而獨恥受其教命不可得也

合參夫以齊之大國一不能修德自強遂至見役于吳如此况小國乎今也小國不能自修德皆若師大國般樂怠教之爲而獨恥受大國之命焉是猶弟子而耻受命平先師也欲

析講麟土日集註不可得也四字妙正解是猶弟子句先師先字勿泥○景公涕女處亦是耻受命○蓋子不是要小國不耻受命是要他恥受命而自強不耻受命似順天而非也非強回天爲寔順也蓋天兼理勢受命順勢之當然自強順理之當然此通章上下關合處

如恥之莫若師文王師文王大國五年小國七年必爲政於天下矣

此因其愧恥之心而勉以脩德也文王之政布在策舉而行之所謂師文王也五年七年以其所乘之勢不同爲差蓋天下雖無道然脩德之至則道自我行而大國反爲吾役矣程子曰五年七年聖人度其時則可矣然凡此類學者皆當思其作爲如何乃有益耳

參大全誠如恥之則莫若及其師大國者而師文王以脩其德師文王以修其德則德至可以四年將見國大者所乘之勢稍易太約不過五年國小者所乘之勢稍難亦大約不過

七年必然人心奮國勢振而小可大弱

可強大國反爲吾役以爲政于天下矣

析講趙注文主時難故百年乃洽今之時易文主由百里起今大國乃餘千里故五年足以爲政小國次之故七年○此大國不是上所師之大國乃大國而弱爲人役者誰大國反爲吾役則所師之大國也○逆天旣有所不

可受命又有所不甘兩路逼出向爲仁一邊

詩云商之孫子其麗不億上帝旣命侯于周服侯服于周天命靡常殷士膚敏裸將于京孔子曰仁不可爲衆也夫國君好仁天下無敵

裸音灌夫

音扶好去聲○詩大雅文主之篇孟子引此詩及孔子之言以言文王之事麗數也十萬曰億侯維也商士商孫子之臣也膚大也敏達也裸宗廟之祭以鬱鬯之酒灌地而降神也將助也言商之孫子衆多其數不但十萬而已上帝旣命在周以天下則凡此商之孫子皆臣服于周矣所以然者以大

命不常歸于有德故也是以商士之膚大而敏達者皆執祿獻之禮助主祭祀於周之京師也孔子因讀此詩而言有仁者則雖有十萬之衆不能當之故國君好仁則必無敵於天下也不可爲衆猶所謂難爲兄難爲弟云爾

雅序文王之事何如詩云商之孫子其數不止于億然上帝旣命于周則凡其子孫維于我周是臣服矣所以維臣服乎我周者以天命靡常歸于有德故也故不但孫子服之凡殷士之容貌膚大才能敏達者皆執祿獻之禮助祭于我周之京師焉孔子讀此詩而嘆曰我周至仁商孫至衆以衆過仁但有歸心效順而已則衆失其衆而不可以爲衆也夫國君誠奸修德以行仁將天下尊親之無與爲敵此理勢必然復何疑焉由詩及予言觀之可見文主惟以仁故能爲政于天下欲爲政于天下者洵不可不師文王之仁也

析講真西山曰以商之孫子而爲周之諸侯以商之美土而奔走周廟之祭天命何常之有哉成湯惟其仁也故天命興于商紂惟其不仁也故天命轉而歸周○蒙引國君好仁二句只做孔子說下文今也字面方是孟子說當時故此條集註云孟子引此詩及孔子云云○存疑此正明文王爲政于

今也欲無敵於天下而不以仁是猶執熱而不以濯也詩云誰能執熱逝不以濯

天一下之事以見其可師仁不可爲衆是孔子釋詩之言乃承其龐不億句說下一句又放開說蓋因文王而泛言其理也是不以仁也詩大雅桑柔之篇逝語辭也言謹能執持熱物而不以水自濯其手乎○此章言不能自強則聽天所命脩德行仁則天命在我

耻受命於大國是欲無敵於天下也乃師大國而不師文王是猶執持熱物而不以水自濯其手也詩云謹能執熱逝不以濯然則誰能無敵于天下而不以仁乎夫亦盡人以俟天勉爲賢德而可以矣

不仁章全旨

通章重自取二字首節言不仁者必有敗亡之禍下明其出于自取也自取意首節已含而未露引子

列孺子歌及孔子咏嘆以發明之四節詳自取之寔末又引

書以証之

總是喚醒當時之迷句句是不可與言却句句悽

孟子曰不仁者可與言哉安其危而利其苗樂其所以亡者不仁而可與言則何亡國敗家之所以有

樂音洛

安其危利其苗者不知其爲危苗而反以爲安利也所以亡者謂荒淫暴虐所以致亡之道也不仁之人私欲固蔽失其本心故其顛倒錯亂至於如此所以不可告以忠言而卒至於敗亡也

泰太公孟子微當時不仁者曰人君有其國家而欲長保治平莫貴于聽言若不仁者私欲蔽障喪失本心而可告以忠言也哉但見其顛倒迷謬不知危之所在反以危爲安不知萬之可虞反以苗爲利不知滅亡之可懼反以取亡之道爲可樂而恣爲之雖告以忠言必不見信有卒至敗亡而已耳不可言之禍如此使不仁而可與言則是感悟有機挽救有路亦何亡國敗家之有惟其不可與言所以卒至敗亡也

析講天下豈有安危利畱樂亡之人據其作爲却俱是苗與危亡的道理。○真西山曰自古危亂之世未嘗無忠言。祖伊嘗諫紂矣召穆公嘗諫厲王矣而二君皆不聽者蓋其心既不仁故顛倒迷亂以危爲安以畱爲利以取亡之道爲可樂也。○饒雙峰曰要看樂其所以亡一句他只愛那兼出暴虐所以取亡的事故雖危自以爲安雖苗自以爲利便含自取之意下四節遂承言之。

有孺子歌曰滄浪之水清兮可以濯我足。浪音

郎

滄浪水各縷冠系也

參序夫有言不聽其敗亡不仁者于此亦復何譏之咎耶昔有孺子歌曰滄浪之水清兮可以濯我之縷滄浪之水濁兮可以濯我之足孺子無心而寄詠如此

析講太全倪氏曰孺子之歌全是無心。○新安陳氏曰

以字亦自有味。○新安陳氏曰

漢水東流爲滄浪之水見禹貢

孔子曰小子聽之清斯濯纓濁斯濯足矣自取之也

言水之清濁有以自取之也聖人

聲入心通無非至理此類可見

參注說孔子聞之而謂其弟子曰小子聽之此孺子之歌有至理也均此水耳均此濯耳惟其清斯以之濯纓惟其濁斯

以之濯足矣貴賤異用非人所爲皆水

之清濁自取之也小子不可不知也

析講太全陳氏曰此孔子所以爲耳順也斯字從上可以字生字自取又從斯字生來○二斯字重看既水說而意即廣夫人必自侮然後人侮之家必自毀而後人毀之國必自伐而後人伐之。○夫音扶

所謂自取之者

參序與孔子之言觀之天下之事其孰不由自取者乎夫

人必自侮焉然後人從而侮之是侮雖在人而寔以不能修身，惡之也家必自毀而後人從而毀之是毀雖在人而寔以不能齊家取之也國必自伐然後人從而伐之是伐雖在人而寔以不能治國取之也變不虛生惟人所召。蓋如此信乎亡國敗家莫非不仁者自取之矣。

析講此節則詳自取之寔從孔子之言而推廣其所未發也。

太甲曰天作孽猶可違自作孽不可活此之謂也

解見前篇○此章言心存則有以審夫得失之幾不存則無以辨於存亡之著禍福之來皆其自取參序書太甲篇曰天降之灾孽則修德可禳猶可以違而避若自己所作之灾孽則不義速禍不可以逃而活此卽半侮自毀自伐之謂也豈乎雖危亂之世未嘗無忠言有國家者其無踵不仁之禍哉

桀紂章全旨

此章總是教人君爲仁以圖王意以得天下爲主以仁字爲綱仁民之要只在所欲與聚所惡勿施

孟子曰桀紂之所惡勿施爾也

聲

失其心也得天下有道得其民也失其民者

其民有道得其心斯得民矣得其心有道所欲與之聚之所惡勿施爾也

聲

民之所欲皆爲致之如聚斂然民之所惡則勿施於民量錯所謂人情莫不欲壽三王生之而不傷人情莫不欲富三王厚之而不困人情莫不欲安三王扶之而不危人情莫不欲逸三王節其力而不盡此類之謂也

參序孟子勉當時仁民曰天下之得失多故而當審其致之之本彼桀紂之有天下而失之也由于百姓離散失其民也

失其民者由于人情怨怒失其心也由此而觀可見得天下有道惟得其心斯近悅遠來得其民矣至于欲得其心又有道凡民心有所欲皆與之聚之民心有所惡皆勿以施之我有愛民之

寔心寔政則民得遂其生而樂属于我矣得心之道不外過如是爾也而得民得天下不外是矣

析講所欲所惡包含得廣總是滿民之欲而不拂其欲也爾也言此爲得民心之道也正與有道二字呼應所欲二字便是仁之得民處便是民之歸仁處○失天下邊輕引退不得天下

民之歸仁也猶水之就下獸之走堿也

走音

廣廣野也言民之所以歸平此以其所欲之在乎此也參序所以然者欲與聚惡勿施此所爲仁民之所以欲在此也欲在此則自歸乎此矣民性之歸仁也以望澤之本情趨感恩之樂地猶水之就下其性所趨在下獸之走廣其性所適在廣其勢原莫之能禦也天下無不就下之水無不走廣之獸又豈有不歸仁之民乎

析講此一節柳揚相承看勿以就仁去不仁對看只重歸仁

故爲淵歐魚者獺也爲叢歐爵者鶴也爲湯

爲去聲歐與驅同獺音

淵深水也獺食魚者也叢茂林也鶴食雀者也言天參凌說民歸仁之所以去此以其所欲在乎彼而所畏在此也魚本欲淵以畏獺之故益避而趣于淵是爲淵歐魚者獺也國本欲叢以畏鶴之故益避而趣于叢是爲叢歐爵者鶴也民本欲湯武以下畏桀紂之故益避而趣于湯武是爲湯武歐民者桀與紂也甚矣仁之勝不仁也

析講歸仁之心非因歐而始有方因歐而益切此一節是又將得民心以得天下緣故說極明透以爲下啟動今天下皆張本而此節又以足上節歸仁之意○魚爵二字句節物情以

決民之心之去暴歸仁也爲字國字要得其意蓋無歐民之心而有歐民之理無爲湯武之意而有爲湯武

之機也此湯武之所以得民得天下而王者也

今天下之君有好仁者則諸侯皆爲之敵矣雖

欲無王不可而已

好爲王

皆主聲

參蒙引今天下之君使有好仁者出焉與衆勿施有如湯武則諸侯之不仁者皆爲之民以歸之矣民既來歸斯得天下雖欲無王不可而已

析講民心離乎彼卽屬乎此有所屬生子有所離但戰國時七雄之民多是離心者惜舞一人能行王政以收之耳今天下三字有味亦見功必倍之惟此時爲然之意○好仁之君出不仁者皆爲歐民以歸之所謂得心斯得民也王天下所謂得民斯得天下矣

欲動時君全在此節

今之欲王者猶七年之病求二年之艾也苟爲

不畜終身不得苟不志於仁終身憂辱以陷於死亡

王去

聲

艾草名所以久者乾久益善夫病已深而欲求乾久之艾固難卒辦然自今畜之則猶或可及不然則

病日益深死日益迫而艾終不可得矣

合眾好仁固必致王但今之欲王者平日富強虐政大失民心以致國勢憂辱須在乎急行仁政以結民心而後可以回積弊之勢猶七年之病病根深矣在乎急求二年之艾以治之而後可以愈久痼之疾也三年之艾不能畜之平日而自今畜之猶可也苟不及今日畜之卽終一身不得而病終不免于死亡矣然則爲仁者平日旣無積久之功今日不可無心爲之志故及全不志于仁則民心日離國勢日促終身憂辱以陷于死亡矣甚能王平

析講欲王卽欲得天下意今之欲王者三句時義不同一主時之後而計之晚則不得重改圖之速意一主民心旣播在急于好合仁以收之則與下憂辱意不粘貫必如前說平日不

仁以致憂辱。今宜急行仁，以致王意。左能使前後相責得去。
○猶七年之病，未二十年之艾。喻行仁當急也。時講多用深仁，
厚滿字，不知不重深，只重急也。志非空志，有二會然，爲仁之意。

詩云：其何能淑，載胥及溺。此之謂也。

詩太雅柔之篇，淑善也。載則也。胥相也。諺今之所爲，其何能善？則相引以陷於亂亡而已。

卷序詩云：其何能以自善乎？惟相與及于陷溺而已。此即不

仁之君，終身憂辱，以陷于死亡之謂也。豈但王

不可以得哉？有國者，其富暢然，傲省而志于仁矣。

折講前引執熱之詩，喻如火益熱，非仁無以沃之，而解其熱。

此引晉廟之詩，喻如水益深，非仁無以拯之。

之而救其弱，此說亦有意，但不可作正訓。

自暴章全旨

此章總爲暴棄仁義者警重。自字，誰言道本固有，而人自失之。是也。人之安宅，人之正路，言人之

字，正見得乃人所自有，所以失之爲可哀也。仁義二字是一

章骨子前後兩節全，是慨人自絕于道中。

一節雖言道本固，每亦以起下，自絕之意。

孟子曰：自暴者不可與有言也。自棄者不可與有爲也。言非禮義謂之自暴也。吾身不能居仁由義謂之自棄也。

暴猶害也。非猶毀也。自害其身者，不知禮義之爲美而非毀之。雖與之言，必不見信也。自棄其身者，猶知仁義之爲美，但溺於怠惰，自謂必不熊行與之。有爲必不能勉也。桂子曰：人苟以善自治，則無不可移者。雖昏患之至，皆可漸磨而進也。惟自暴者，拒之以不信。自棄者，絕之以不爲。雖聖人與居，不能化而入也。此所謂下愚之不移也。

卷序孟子曰：人性本善，皆當自勉以求盡其道。但人之五道必待相與言，而後明。乃世有一等自家暴害，自家者不可與有言，以相爲道。示也必待相與爲，而後成。乃有一等自家暴絕，自家者不可與有爲，以相磨厲也。何謂自家？如禮義至美，乃不知其爲美而言，則非毀之謂。性本無禮義，則雖與之言，彼必乖戾而拒之，不信所謂自暴如此也。何謂自棄？義

在身乃謂吾身不能居之由之則離與之爲彼心因循而絕之不行所謂自棄如此也此其所以不可與有言有爲也析講不可與有言有爲且虛說下四句正發明之此雖係氣質寔由心之陷溺來也自暴自己賊害自己也自棄自己棄絕自己也將吾性之體自爲賊壞故謂之自暴分中應得之物自爲拋棄不取故謂之自棄○語類看來自暴者便是利惡者之所爲自棄者便是柔惡者之所爲○禮義猶言道理仁義乃寔落字故下只申言仁義

仁人之安宅也義人之正路也

仁宅已見前篇義者安也乃天理

之當行無人欲之邪曲故曰正路

參序彼自暴自棄之絕于仁義者豈知仁與義固甚切于人者平仁爲天理之公處乎其中無一毫人欲之傾危是人生至安穩之宅也義爲天理之宜履乎其中無

一毫人欲之邪枉是人生至正大之路也

析講仁人之兩句語氣猶云仁義非別的就是你的安宅正

路是真切語不是譬喻語蔡氏曰提出人字見仁義在人本

至美而無可非亦自有而必可能正是喚醒暴棄者處○安宅正路勿作喻言安宅是于天理上存心安身自是妥貼安穩與從欲則危相反正路是于天理上往來出入自是蕩蕩平平與行險僥倖相反俱以性之德言勿分内外提出二人字正是人之所以爲人者此也○安宅二句重看

見人自家的美德自家的良能原暴棄不得的

舍上

曠空也由行也○此章言道本固有而人自絕

之是可哀也此聖賢之深戒學者所當猛省也

參序安宅則人所必當居乃自有安宅自曠之而弗居正路

則人所必當由乃自有正路自舍之而弗由錮蔽

之深良心喪失哀哉吾不知暴棄者之所終也已

析講大全朱子曰曠其安宅則必放僻邪侈而安其房不可

安之居全其正路則必行險僥倖而由其所不可由之塗安宅正路人皆有之而自暴自棄以至于此是可哀也既雙

降日前面說暴棄兩種人後面說不居不由又只指自棄者言之何也蓋非與禮義之人已不可教誨矣不能爲只是爲

之不勇耳尚知得可居可由所以可教故孟子復哀憫以警醒之猶致望之之意焉此解亦有見并錄之

道在章全旨

此爲賢智之徒思以道術易天下者發不主人君道之所在而不必過求也註云親民在人爲甚邇親之長之在人爲甚易而道初不外是也深體會之本旨了然矣

孟子曰道在爾而求諸遠事在易而求諸難人

人親其親長其長而天下平

爾邇古字通用

易去聲長上聲

親長在人爲甚邇親之長之在人爲甚易而道初不外是也舍此而他求則遠且難而反失之但人

人各親其親各長其長則天下自平矣

參紹聞編孟子曰率性之謂道道爲吾之所固有本在爾也乃以爾者爲不足求而求諸遠彷彿之謂事事爲吾之所不能不行在易也乃以易者爲不足求而求諸難則人之過也不

知道不外乎親長之間而親之長之卽其事也但人有親人

人親其親人有長今人長其長則家皆孝弟俗皆仁義而天

下治平矣夫天下之勢若退而欲天下之平豈難要不外乎親親長長之間信乎道之近易也然則舍此而他求焉不以遠且難而反失之乎

析講胡堯峰

曰此道字是天理之自然此事字是人爲之當

然道求之遠其事便難天下之不平皆由于此親長卽是天下平此孟子性善宗主運天下于掌上之要道也○天下平者總要發出不必求之遠難意盡親長而天下猶不平則當求他道以平之而道便不盡于遠與易矣親親長長而天下自平可見親長之外無道不必求中之遠且難矣本文有道有事而註止云道不外是者事卽所以行道非直一也○要看兩袖字其意在下○人外無道卽其人而存故曰通道外無事盡其事而道畢故曰易總見道是平坦無奇的舉天下不能出其範圍兩求字在刻意過求上看若外親長而求則遠難上了豈知遠難非道但人人各親其親各長其長天下皆孝子悌弟道德一而風俗同此卽是天下平非由此而後可平也○殊个人字天下平字似下亦可中對人君誠然大學一書豈必自士大夫以下便不許讀此等亦只論其理固覺堯舜孝弟人人可爲也

居下章全旨

此章以誠身爲主，明善是誠身內事。首節見動物言誠身之必動物，以終首節之意。

孟子曰：居下位而不獲於上，民不可得而治也。獲於上有道，不信於友，弗獲於上矣。信於友有道，事親弗悅，弗信於友矣。悅親有道，反身不誠，不悅於親矣。誠身有道，不明乎善，不誠其身矣。

獲於上，得其上之信任也。誠實也。反身不誠，反求諸身而其所以爲善之心，有不實也。不明乎善，不能卽事以窮理，無以真知善之所在也。游氏曰：欲誠其意先致其知，不明乎善，不誠乎身矣。學至於誠身，則安往而不致其極哉？以內則順乎親以外，則信乎友。以上，則可以得君；以下，則可以得民矣。

衆大全孟子勉人思誠曰：居下位而欲治其民，其道在於獲

上，苟不獲，平上則無以安其位而行其志。民不可得而治也。

獲于上有道，必須審友，信服然後稱譽。膺進若不自信于友，則名譽不顯。上何由知？弗獲于上矣。信于友有道，必須大節無虧，方可取信于友。若事親弗悅，則素行不孚，人何由信？弗信于友矣。悅親有道，必出于誠心，乃可。若反諸身，不誠，外面假爲孝之事，裏面却無孝之心，不悅于親矣。夫由獲上，信友，悅親推之，而惟在誠身，則誠身要矣。然誠身又有道，必真知善之，可爲。然後隱微之際，無一毫半欺之意。若不能卽事以窮其理，而推極吾之知，則爲善之心，不寔。身便不誠矣。惟能明善，以誠身，則事親爲寔。交友爲寔。信事君爲寔。寔治民，爲寔。寔忠，爲寔。寔憲政，爲寔。誠立而萬善從之矣。

析講此節，孟子所述之意與中庸不同。彼一句有一个，素定此只歸重誠身。上獲上等，雖相因說，下其寔，總是能誠其身之所推，而所謂明善者亦不過，墮其誠身之端而已。只是誠身，內工夫也。○獲上等須句句照定，誠字獲上以寔心，固結君心也。信友以寔心平于友也。愾親以寔心，諭親于道也。獲上信友等皆以有道言，蓋有不由其道以求之者矣。若謾悅苟容以求獲，平上便依詭隨以求信乎？友阿意曲從以求悅乎？親冥行助長以求誠。其實是也。所謂誠身能寔，踐其所明云。

之善而有諸身之謂。反諸身是反求于心不誠是不肖寔有此心也。

是故誠者天之道也思誠者人之道也

誠者理之在我者皆實而無僞天道之本然也思誠者欲此理之在我者皆實而無僞人道之當然也。衆直解明善以誠身其切要如此是故誠者都是寔理此理之在我一本無不誠之理而在天命之初所賦予我本然之道也但在天本無不誠之理而在人客有不誠之心則用工夫以思復其誠以全此天道者乃人所當盡之道也所以誠身之功不可不勉也。

析講兩句一直說下而歸重思誠處此備承上身之所以當誠者何也以理之在我者本寔而人遺寔之也○思誠者恐有不寔處便思去寔他內有明善工夫明善是格物致知思誠是毋自欺謹獨明善固所以思誠也意本朱子○這思字寔落在此親信安復上治民處體認不是空思存疑誠者天之道此天之道自在人者言天之道本無不寔理之在人者無不寔是亦天之道也思誠者人之道是君子誠之爲只

至誠而不動者未之有也不誠未有能動者也

至極也楊氏曰動便是驗處若獲平上信平友悅於親之類是也○此章述中庸孔子之言見思誠爲脩身之本而明善又爲思誠之本乃子思所聞於曾子而孟子所受乎子思者亦與大學相表裏學者安瀆心焉

參序果能自思誠之功以至于念念皆誠是謂至誠誠到至處自能動物以之事親而親悅以之取友而友信以之事君而君用以之治民而民從而猶有不動者決未之有也

也若夫不誠則未有能動物者也人可不務誠哉

析講此節重上二句不誠未有能動決言至誠之能動與可離非道也一例上節重當誠此節重能誠○蒙引此主誠是自思誠而至于誠者也誠能動物即中庸誠則形著動變化者一理也○思誠爲修身之本註說極有理蓋思誠與脩身不是兩時亦不是兩段明善與思誠亦不是兩時兩段工夫所謂思誠爲修身之本者特以不日修身而必日誠身故以

立此說也。○覺軒蔡氏曰：子思以誠之言，人之道而孟子易之，思誠子思言形著，動變化而孟子只言動者以思出子心于學者，用功尤爲有力，則所謂動者。

正指上文獲上信友悅親而言也。

伯夷章全旨

此章述當時諸侯師文王以行仁政意前二十節言文王行仁政以係中人望而因決其係天下之心末，

節重勉諸侯行文王之政不專重

養老也。養老特王政中一事耳。

孟子曰：伯夷辟紂居北海之濱。聞文王作興，曰

盍歸乎來。吾聞西伯善養老者，太公辟紂居東

海之濱。聞文王作興，曰：盍歸乎來。吾聞西伯善

養老者

辟去

作興皆起也。盍何不也？西伯卽文王也。紂命爲西方諸侯之長，得專征伐，故稱西伯。太公姜姓，周氏名，尚文王發政必先

鯀寡孤獨，庶人之老皆無漁餕。

故伯夷太公來就養，非求仕也。

參淺說：孟子曰：今天下莫能定。干二者只所行，不得其政，故也。試以文王觀之。昔商紂毒痛四海，播棄老成，伯夷、叔紂之亂，隱居北海之濱。蓋悲君不事矣。及聞文王起爲西伯，于是奮然興曰：何不歸來乎？吾聞西伯發政施仁，善養老者，我可歸之，以就其養矣。太公辟紂之亂，隱居東海之濱，蓋非時不出矣。聞文王起爲西伯，于是興曰：何不歸來乎？吾聞

西伯發政施仁，善養老者，我可歸之，以就其養矣。

析講作是起而在西伯之位。○麟士曰：集註：庶人之老皆無凍餓，訓善養，是然。鯀寡孤獨四字却不可加于二字。○盍來只言其來也似俳不謂出，鶴載歸時不然。孤竹君獨不發龍，酈之夢爲敗興矣。○史記齊世家大公望呂尚者，東海人。其先祖嘗爲四岳佐禹平水土，甚有功。虞夏之際，封于呂或，封于申姓。姜氏夏商之時，申呂或，封支庶。子孫或爲庶人，尚其苗裔也。本姓姜氏，從其封姓，故曰呂尚。

二老者天下之大老也，而歸之是天下之父歸

之也天下之父歸之其子焉往

虔度

老伯夷太公也太老言非常人之老者天下之父言齒德皆尊如衆父然既得其心則天下之心不能外矣蕭何所謂養民致賢以圖天下者其意暗與此合但其

意則有公私之辨學者又不可以不察也

參淺說夫伯夷太公齒德俱尊非如常人之老齒尊而已序天下之大老也旣曰大老則有以係天下之望如彼爲天下之父而天下之人皆其子也而歸于文王是天下之父歸之也天下之父歸之其子寧有背其父而他

往者乎故二老歸而天下無不歸心矣

析講蔡氏曰莫尊于父而德則天下之達尊莫親于父而德則懿好之最親故曰天下之父焉往只是心歸此亦不約而同之理張南軒曰張良歸漢項氏以亡孔明在蜀炎綱幾振亦庶幾爲當時之老者其所係輕重固如此

諸侯有行文主之政者七年之內必爲政於天下矣

下矣

七年以小國而言也太國五年在其中矣

合參夫文主能行王政而得天下之歸如此當今諸侯有能以文王之所以治岐者治國凡田里樹畜之教鰥寡孤獨之養悉舉而行之則必有老成賢哲之士如伯夷太公者先歸

以爲民望而天下歸心矣七年之內必能統一四海而爲王者何憚而不帥文王耶

析講行文主之政說包養老在內必爲政于天下應上人望先歸而衆皆從之意○趙註文主時難故久衰周時易故速也上章言太國五年者太國地廣人衆足以行善故五年足以治也

通章以強兵作主上二節卽富國之罪以甚強兵刑引孔子言不重只爲起下節觀況字可見服上刑惡武不守容死來着眼在君不行仁政一句見欲輔君圖大何不輔之行仁政

孟子曰求也爲季氏宰無能改於其德而賦粟倍他日孔子曰求非我徒也小子鳴鼓而攻之可也

求孔子弟子冉求季氏魯卿宰家庭賦猶取也取民之粟倍於他日也小子弟子也鳴鼓而攻之聲其罪而責之也參序孟子爲當時強兵者罪也日昔孔子弟子求也爲季氏宰無能匡正季氏以改之其舊自之惡德而設法催科民無逋負所賦之粟倍於他日孔子曰求之黨惡害之民如此非我徒也小子鳴鼓以攻其罪可也

由此觀之君不行仁政而富之皆棄於孔子者也況於爲之強戰爭地以戰殺人盈野爭城以戰殺人盈城此所謂率土地而食人肉罪不容

於死

爲去聲

林氏曰富其君者奪民之財耳而夫子猶惡之况爲土地之故而殺人使其肝腦塗地則是率土地而食人

之肉其罪之大雖至於死猶不足以容之也

參序由此責求之言觀之凡君不行仁政以厚其民而爲之臣者反爲之聚斂以富之皆名教之罪人見棄絕于孔子者也夫富其君者奪民之財耳未至殺人也孔子猶惡之如此而况于爲君强者乎欲強戰者爭地以戰則必求得其城而殺人盈野爭城以戰則必求得其城而殺人盈城靡爛其民肝腦塗地此所謂率土地而食人肉其罪之大雖至于死猶不足以贖其罪而容之也

析講率土地句直用肝腦塗地之義極只形容殺人之難也不容于死見得一个人亦償不得盈城盈野之命如所謂死上有餘辜是也○強戰所以甚于富國者方全在殺人二字所以加况字以甚古之

故善戰者服上刑連諸侯者次之辟草萊任土

地者次之辟與

闢同

善戰如孫臏吳起之徒連結諸侯如蘇秦張儀之類辟開墾也任土地謂分土授民使任耕稼之責妃李悝盡地力商鞅開阡陌之類也

參序強戰之罪大如此因罪定刑而可以知所不赦矣故善戰者當服最上極刑以正其賊君殘民之罪至于縱橫游說連結諸侯興兵構怨以致民于鋒刃者卽次之變亂井田開闢草萊以其土地分授于民使任耕稼爲聚斂計以聚民之膏血者又卽次之有王者起按法以誅所必然者乎今之諸侯不以爲民賊而以爲良臣何哉無怪乎禍亂之相尋不已也

析講辭士曰兩次之猶曰卽次之言皆有罪也不是恕之之詞○連諸侯雖動天下之兵未嘗身任殺人之事辟草萊任土地者雖主當國而不恤其民亦赤有殺人之事作我軍解次之方得若出子口中卽是開釋之文非諦氣矣淺說達說講俱不是後人之作又次干連諸侯者却似無妨○如群凶對韜罪案卽六差等然而皆不赦也○盡地力開阡陌

其意只是欲富國不是欲爲民皆爲君聚斂之徒也故亦次于刑

存乎章至肯

此章爲徒觀人以言者發存乎人二句且虛眸子不能掩句正見其莫良胸中正四句正見其不能

掩文平意申重不正下邊下節度字亦重不善下邊與上不能掩相應張南軒謂爲人觀者亦

當知檢身之一要言外亦有此意

孟子曰存乎人者莫良於眸子眸子不能掩其惡智中正則眸子瞭焉智中不正則眸子眊焉

眸音牟瞭音了眊音耄○良善也眸子目眞也眊明也眊者蒙蒙目不明之貌蓋人與物接之時其神在

目故胸中正則神精而明不正則神散而昏

來序孟子曰存乎人之下身者五官百體皆具矣然莫良于眸子蓋人之善惡生于心心之精神見乎目意念一起即形于瞻視故眸子不能爲人掩其心之惡胸中所存者正則心無所蔽神清而明眸子瞭焉倘胸中所存者不正則心有所

蔽神散而昏卽眸子眊焉不能掩其惡如此此其所以良也析講良者自然而然真而無僞故爲良○存乎人二句只就人之一身言若直就最好觀人說未免碍下地步胸中正四句重下二句正見上不能掩其惡處上二句只帶言之

聽其言也觀其眸子人焉廋哉

焉於處反

廋匿也言亦心之所發故并此以觀則人之刑正不可匿矣然言猶可以僞爲眸子則有不容僞者令參然則觀人者雖曰不知言無以知人而亦豈可徒聽其言而已哉如旣聽其言也以審其心之聲又必觀其眸子以驗其目之神如言善而眸子又眊也則其人之正可知也如言雖善而眸子眊免干眊也則其人之邪不可知也人焉得而廋哉此觀人之一法也

析講人焉廋哉非說人不能掩過說我如此觀人定不爲人所掩過了○真註承上文言眸子之艮如此觀人者不徒覩其言而必質之于眸子則人縱能隱于言必不能匿于眸子什不失矣

孟子曰恭者不侮人儉者不奪人侮奪人之君惟恐不順焉惡得爲恭儉恭儉豈可以聲音笑貌爲哉

惡平

恭者章全旨

此章專爲下以聲音笑貌爲恭儉之名者發上二句正下三句反末句正足上惡得爲恭儉之意

恭者章全旨此章專爲下以聲音笑貌爲恭儉之名者發上二句正下三句反末句正足上惡得爲恭儉之意君之美德當時之君有以恭儉自名者然我觀寔是恭者便存心謙讓而不侮人寔是儉者便存心撙節而不奪人今之侮奪人之君其心驕而侈惟恐人不順其侮奪焉既無恭儉之寔惡得名爲恭儉然則彼所謂恭儉者特聲音笑貌爲于外耳恭儉豈可以聲音笑貌爲哉

析講大全胡雲峯曰恭者便禮下而不侮人儉者便取民有制而不奪人不侮者恭之驗不奪者儉之驗否則惟恐不順已霸侈之欲耳○恭者儉者是有恭儉之寔德而名之爲恭

儉者惡得爲恭儉是不得名爲恭儉之意寔是恭儉者便不
侮奪人若是侮奪人便不是恭儉五句一正一反上一句是
恭儉之有其寔下三句見恭儉之不可僞爲也侮奪人之君
亦有致飾于儀容度數之間而自以爲恭儉者故孟子以惡
得爲恭儉正之不侮奪蒙引兼本國鄰國二義如本國則
以禮接下取民有制于鄰國則不虔弱小不侵土地皆是
不侮不奪要根心言方與下聲音笑貌相反○聲音是僞爲
恭儉之言笑貌是僞爲恭儉之態

淳于章全旨

此章見齊世者必不可道首節借事見援嫂之

量輕重以取中之謂援嫂時避嫌輕而援溺重出處時守道
重而成功輕孟子若在道以爲援

則非其道而非矣又安所謂權乎

淳于髡曰男女授受不親禮與孟子曰禮也曰
嫂溺則援之以手乎曰嫂溺不援是豺狼也男

女授受不親禮也嫂溺援之以手者權也

與平書
授音妥

淳于姓髡名齊之辯士授與也受取也古禮男女不親授受
以遠別也援救之也權稱錘也稱物輕重

而往來以取中者也權而得中是序禮也

參序淳于髡因孟子不見諸侯而設問曰男與女授受不親
手者果古之禮歟孟子曰此所以別嫌明微是禮也曰設使
嫂或溺水生死之際事在倉卒爲之叔者則親援之以手乎
抑拘授受之禮而不援也曰嫂溺不援則忍心害理是豺狼
也蓋男女授受不親者禮也所以守其常也嫂溺援之以手者
權也所以濟其變也權固無悖于理也

析講禮記內則男不言內女不言外非喪非祭不相授器○

曲禮云男女不親授嫂叔不通問○髡意不在問禮在討出
一權字爲下諷言張本○朱子曰事有緩急理有大小此等
處皆須以權稱之○北翼陳氏曰中者理所當然而無過不及
及者也權者所以度事理而取其當然使無過不及者也○
蒙引權只是禮之變者非有背乎禮序秀
曲以成平禮也故曰權非禮道者不能也

卷之二十一

三十五

曰今天下溺矣夫子之不援何也

言今天下大亂民遭陷溺亦當從權以援之不可守先王之正道也。叢序髡得孟子從權之說因而折之。曰今天下生民憔悴如溺于水矣帝一嫂聖賢視天下爲一家不參半道坐視正此其時而夫子乃守不見諸侯之義不從權以援之何也毋亦守常而不達變乎析講從權不但見諸侯便有金所學之仁義而從當時之功利意

曰天下溺援之以道嫂溺援之以手子欲手援天下乎

言天下溺惟道可以救之非若嫂溺可手援也今子欲援天下乃欲使我枉道求合則先失其所以援之之具矣是欲使我以手援天下乎。此章言直已守道所以濟時枉道徇人徒爲失已

叢大全孟子曰拯溺之溺與援天下之溺其具不同蓋古人所以救世以有道也不比救嫂從以手也道必自重然後可以濟人若枉道不合則其所爲道既自放倒矣天下豈一毛可援乎子乃欲我徒手以援天下之大乎子不知守道亦何可言行權矣

析講存疑孟子所謂權在道之內髡所認權在道之外事處其變常道不可行于是因而通之而不失乎道是謂在道之內若遂越常道以濟事功是謂在道之外。彙解權所以權物之輕重兩邊俱是道理但有輕重之不同舍其輕者而從其重者故謂之時中若離了道理更何處着權字此漢儒反經合道之說爲程子所不取也。註中先失其援之之具意最重枉已求合便是枉道枉道便是失其援之之具矣

公孫章全旨此章總見君子善成其子之術重勢不行也一句也教必以正一皮正見其勢不行處易子而教一句正通其勢之不行處末節申明所以是教之故通爲天下之中人而發非所論于子之智者也。木抵子之賢智者少愚不肖者多此章是就入情多處說

公孫丑曰君子之不教子何也

不親教也

參淺說公孫丑聞曰父之于子宜教之無不至吾聞君子之不親教其子何也析講君子不教子想古有成語觀易子句可見不必如蒙引指孟子說力

孟子曰勢不行也教者必以正以正不行繼之以怒繼之以怒則反夷矣夫子教我以正夫子未出於正也則是父子相夷也父子相夷則惡矣

夷傷也教子者本爲愛其子也繼之以怒則反傷其子子之心又責其父曰夫子教我以正道而夫子之身未必自行正道則是子又傷其父也

黎序孟子曰非理不當教也乃勢不得行也何則父欲親教則必立身行己之間皆教以正道或以正道而其子不率

行則拂其教之之意而父必繼之以怒而責之矣繼之以怒則反傷其子矣父既傷其子子之心又責其父曰夫子教我以正而夫子之身未必盡出乎正道既不率教且有後言則是子又傷其父也父子相傷則害天性之恩而陷于惡矣故曰勢不行也

古者易子而教之

易子而教所以全父子之恩而亦不失其爲教

參序夫親教則至于傷恩不教則至于害子

古人有見于此故已有子而易他人而教之析講易子而教只重以己子而教之于人不必泥相易意故曰傷其子○則惡矣惡字猶云非天倫之美事也如何曰當不義則亦戒之而已矣

父子之間不責善責善則離離則不祥莫大焉

責善朋友之道也○王氏曰父有争子何也所謂爭者非責善也當不義則爭之而已矣父之於子也如何曰當不義則亦戒之而已矣

參序如此者正以責善乃朋友之道父子之間貴以恩相渥不相責善責善則情意乖戾家庭之內以和順爲祥垂戾則不祥莫大焉故易子而教乃君子善全父子之道也

析講責善卽教以正也離卽相夷也不祥卽惡也然上意純反說此節重首句正論其理而下二句帶看責善重父責子邊此節正推上易子而教之由責善謂必使改過以遷善而求之太深督之太過也離以情義乖戾言楊龜山曰父子之間雖不責善豈不欲其爲善

然必親教之其勢必至于責善

事孰章全旨

此章總是要人守身以奉親意首四句平說不失其身二股左侧重必能守其身乃能事其親此是二章綱領孰不爲事二股又探出本字來以明其大末二節引曾子做個樣子曾子正是能守身者故舉其養志之事以爲法既不能養志則平日決不肯失身不義以傷親志不待言矣故後兩節只言事親而守身自在其中虛

齊次崖謂末二節不必復粘守身在其中謬

孟子曰事孰爲大事親爲大守孰爲大守身爲

大不失其身而能事其親者吾聞之矣失其身而能事其親者吾未之聞也

失身持守其身使不陷於不義也失其守則

虧體辱親雖日用二牲之養亦不足以爲孝矣

參序孟子曰凡人分有所属而祇承者之謂事事孰爲大事親爲大聚百順以奉一人非細故也責有所属而謹持者之謂守守孰爲大守身爲大食萬善而歸一已此安圖也夫親者身之自出身者親之所生則事親尤資于守身也誠能以道自守不失其身則全受全歸或諭親于道者有之或顯親以名者有之而能事其親者吾聞之矣此有以盡其大矣若失其身不守則虧體辱親而能事其親者吾未之聞也而大者俱喪而無餘矣

析講太全陳氏曰初言事親爲大守身爲大二者分開平說繼言不失身則能事親二貴爲一分重輕說與前章悅親在于誠身同意○盧齋曰虧體辱親卽是兩意如云身體髮膚受之父母不敢毀傷父母全而生之子全而歸之此不虧其

體之謂也。姻，將爲善，思，照父母，令名，必果，將爲不善，思，貽父母惡名，必不果。此不辱其親之謂也。○能事親尚有許多，論親于道的事，不是一毫步身便了却，但緊關處全在守身，一着。○王觀濤曰：不失其身，則先足爲親之榮，而親心愜矣。又如奉養子道斯盡，失其身，則先足爲親之辱，而親心不愜。無論奉養厚薄，皆是不能事親者。如此以親心立說，與下善志相關。

孰不爲事，事親事之本也。孰不爲守，守身守之本也。

事親孝，則忠可移於君，順可移於長，身正則家齊，國治而天下平。夫事親何以爲大也？事君事長，孰不爲事，而敦孝爲首。行之原，事親事之本也。守身，何以爲大也？守國，守官，孰不爲守？而躬脩爲萬化之根，守身，守之。本也。惟其爲本，所以見其爲大也。

說文。上節大字虛此節方就本字以寔其所以大也。

曾子養曾晳，必有酒肉。將徹，必請所與。問有餘，請所與，問有餘，日亡矣。將以復進也。此所謂養口體者也。若曾子，則可謂養志也。養去聲復扶文反

此承上文事親言之。曾晳各點曾子父也曾元，曾子子也曾子，養其父，每食必有酒肉。食畢，將徹去，必請於父曰：此餘者與誰？或父問此物尚有餘否？必曰：有。恐親意更欲與人也。曾元不請所與，雖有言，無其意，將以復進於親，不欲其與人也。此但能養父母之口體而已。曾子則能承順父母之志而不忍傷之也。

衆直解親身爲事，守之大如此，則守身以事親之道，當何如？觀之曾子可見矣。曾子養其親，曾晳每食必然有酒肉。將徹，必然請所與。或父問有餘，必然曰：有。恐親意更欲與人也。曾

皆死。曾元養曾子，每食亦必有酒肉。將徹，則不講。所與設親間，有餘，則日亡矣。其意將以更進于親，不欲以與人也。此所謂甘旨爲供，特以養親之口體者也。若曾子必請先與以迎，親意于未形之前，而又必應曰：「有以承親意，于已形之後，則可謂養親之志，而不忍傷之也。」惟曾子能守身，故能事親。如此，則其所以體親心者，必無不至。豈特奉養一事爲然哉？析講上節，言人當守身以事親矣。曾子平日守身，人也。故以曾子之善事親者，言之下，帶言曾元者，特卽曾元之味盡道，以形容曾子之盡道耳。張南軒曰：身失其道，何以事親？反覆言之，欲人以守身爲事親之本也。若曾子者，可謂能盡守身，事親之道者矣。故舉其養志之事，以爲人子之法。首節以守身爲事親之本，此二節只說曾子事親不及。守身者，蓋一飲食，間尚體承親忘。如此，則謹守其身以奉親志，不言可知已。看着數，必字直是無一時一念不在親就，是一頓飯一餕餘，亦在做親意所在。豈一時勉強得來，分明是視于無形。聽于無聲。錫類不置之子，豈不守身者能得引。曾元只借養口體，以形養志，不重貶曾元。

事親若曾子者可也

言當如曾子之養志，不可如曾元。但養口體，程子曰：「子之身所能爲者，皆所當爲。無過分之事也。」故事親若曾子，可謂至矣。而孟子止曰：「可也。」豈以曾子之孝爲有餘哉？

合衆夫養志，敬親之至愛，親之深真至微也。事親若曾子之養志，則子道無虧。其可謂孝也。觀曾子盡事親之道，如此。則其能守身可知矣。事親可不以曾子爲法乎？析講事親若曾子句，只斷曾子無愧于道可也。是許之之詞也。人法曾子，意尚在言外。

人不章全旨
此章見大臣事君貴正其本意。前一句言事君，不必正其末下。舉大人正本之功也。人適政間，不可謂不忠。然但救之于未流，非本務也。故曰不足適間，惟大人句。蓋用大人之非行政之失，皆從君心之非來使，不能格心。而本源不正，末流焉能正得？許多君子，三句累項，心來未句一字可玩，正見不必紛紛道間意。

孟子曰：人不足與適也。政不足間也。惟大人爲

能格君心之非君仁莫不仁君義莫不義君正

莫不正一正君而國定矣

適音謫間去聲

趙氏曰適過也間非也格正也徐氏曰格者物之所取正也書曰格其非心愚謂間字上亦當有與字言人君用人之非不足過謫行政之失不足非間惟有大人之德則能格其君心之不正以歸於正而國無不治矣大人者太德之人正已而物正者也○程子曰天下之治亂繫乎人君之仁與不仁耳心之非卽害於政不待平發之於外也昔者孟子三見齊王而不言事門人疑之孟子曰我先攻其邪心心既正而後天下之事可從而理也夫政事之失用入之非知者能更之直者能諫之然非心存焉則事事而更之後復有其事將不勝其更矣人人而去之後復用其人將不勝其去矣是以輔相之職必在乎格君心之非然後無所不正而欲在

格君心之非者非有大人之德則亦莫之能也

參蒙引孟子示正君之要日今之論治者率以用入行政爲

急忠智之士見人君于此二者一有過失卽從而適間之道

則用入行政皆無私而莫不仁君心義則用入行政皆得宜而莫不義君心仁義而正則用入行政皆莫不盡仁盡義而歸于正大人一以仁義正其君則人得而天下治政修而天下和而國自就理矣何勞肩臂下和而國自就理矣何勞肩臂

然事事而更之人人而去之哉

折講用入之非由干君心不能鑒別人極行政之失由于君心不能權衡事物故以格心爲事君之本大人是伊周之徒他入當不得國定正因用入行政無不當所致當氣緊繫說重一字定字言大人一格君心之非以歸于正而國遂定矣可見格心之功約而鉅不必紛紛適間也○大全朱子曰大人格君心之非此精神意氣自有感格處然亦須有个開導的道理不但默默而已也伊川解遇主于巷云至誠以感動之盡方以扶持之明禮義以致其知杜蔽惑以誠其意正此意也○新安陳氏曰仁體義用正包仁義言之仁義所以正

也集註所以不提仁義。存疑本原不正，未流能正得幾多。故不若姑置末流，只就本原上理會，而非有大人之德亦莫之能也。故曰：惟大人爲能正已，而物正者也。一正君而國定，又是再開一步，一正君包上君正莫不正，意國定則其效也。君仁以下四句，一氣說去，總是大人格心之能事。句句重在大人上格心全，在大人道全德備上看出，與口舌匡救者不同。

有不虞全旨

此爲毀譽失真而發。虞字求字都屬自己說，不虞自反無缺也。毀譽不寔如此，可見修己要旨盡觀人，要責寔一切毀譽，置之不問可也。

孟子曰有不虞之譽者求全之毀

虞度也。呂氏曰：行不足以致譽，而偶得譽是謂不虞之譽。求免於毀而反致毀，是謂求全之毀。言毀譽之言未必皆實脩己者不可以是遠爲憂喜。觀人者不可以是輕爲進退。參序孟子曰：人貴問其在己，不可輕于猶人而况乎毀譽之間也。如行修致譽行虧致毀，此理之常無足異也。不若譽之析講註求免于毀，句須善會之。蓋求全者求自修之全，非以逢世也。二有字大有感慨。毀譽已是失真，誰知人情意料之外，更有如此不可知者。人須是自有主張。

人之所以輕易其言者以其未遺失言之責故耳。蓋常人之情無所憲於前，則無所警於後。非以爲君子之學必俟有責而後不敢易其言也。然此豈亦有爲而言之與？參序孟子戒人當謹言也。曰：人之輕易于其言也，無有失言之責以懲創于前耳矣。如使以失言見責于人，則前有所懲，後有所警，豈其易言如斯哉？

孟子曰人之易其言也無責耳矣 易去聲

人之所以輕易其言者以其未遺失言之責故耳。蓋常人之情無所憲於前，則無所警於後。非以爲君子之學必俟有責而後不敢易其言也。然此豈亦有爲而言之與？參序孟子戒人當謹言也。曰：人之輕易于其言也，無有失言之責以懲創于前耳矣。如使以失言見責于人，則前有所懲，後有所警，豈其易言如斯哉？

此爲常人言，非君子

亦如是也故註謂有爲而發

人之章全旨

此章是戒人自滿不是論人爲師人好爲師則有自滿之心而不復有進矣故曰人之患爲師非可

患惟好爲之斯可患也須看眼好字

孟子曰人之患在好爲人師

聲

王勉曰學問有餘人資於已不得已而應之可也若

好爲人師則自足而不復有進矣此人之大患也

參序孟子曰學莫病于自足人而爲人師此以其有餘而及人也若少有所得便有侈然爲人師之心此未免自足而非所以勉矣故人之大患在于好爲人師

折講大全胡氏曰通上章兩人字篇泛然之衆人而言

也○重在自足二字此是病根然從本文好字看出

樂正章全旨

此章見學者當慎所從意孟子責正子全在失身于匪人既從子敖來卽使今日來今日見亦無解于

千罪况又不思見長者平孟子特就不易見上責他正飲其

自愴微子

樂正子從於子敖之齊

子敖王驩字

序孟子弟子樂正子偶從于齊之樊臣子敖之齊

樂正子見孟子孟子曰子亦來見我乎曰先生何爲出此言也曰子來幾日矣曰昔者曰昔者則我出此言也不亦宜乎曰舍館未定曰子聞之也舍館定然後求見長者乎

聲

昔者前白也館客舍也王驩孟子所不與宣者則其人可知矣樂正子乃從之行其失身之罪大矣又不早見

長者則其罪又有甚者焉故孟子姑以此責之

參序時孟子在齊樂正子來見孟子因而責之曰吾以子來齊不我見也子亦來見我乎正子不知而驚問曰先生何爲出此言也孟子姑詣之曰子來齊幾日矣對曰昔者意其來

未久也。孟子姑責之曰：既是昔者其來已久矣，則我出此言也，不亦宜乎？正子自解曰：舍館未定故也。又姑責之曰：子聞之也爲弟子者，來自遠方必舍館定然後來見長者，于是何于舍館急而于長者緩乎？

析講子亦來見句要得令語怪嘆令他自思意。玩亦來見我口一氣言外若含別有爲而來意申。孟子口中句句要不得微刺之意。王觀濤曰：失身之罪大謹乃云又不早見長者，則其罪又有甚焉何也？蓋言罪上加罪也。非不早見之罪更大于失身。

曰克有罪

陳氏曰：樂正子固不能無罪矣，然其勇於受責，如此非好善而篤信之，其能若是乎？世有強辯飾非聞諫愈甚者，又樂正子之罪人也。

參序正子爽然自失，曰急于舍館而緩于見師，克有罪其勇子受責固可取，然猶未悟其

析講蒙引其勇子受責固可取，然猶未悟其

從于子教之非也，所以有待于下章之言。

孟子謂樂正子曰：子之從於子敖來，徒鋪啜也。

我不意子學古之道，而以鋪啜也。

鋪博孤反

徒但也鋪食也啜飲也言其不擇所從，但求食耳，此乃正其罪而切責之。

參序孟子因正子終昧悟從子敖之非，明責之曰：君子貴乎，審身重道，子之從于子敖來，豈以其人之足重哉，可資益哉？徒以鋪啜也。夫鋪啜乃謀食之事，非謀道之事也。我不意子平日學古之道，而以鋪啜之故妄從人也。所見者小，而所失者大，子滋罪矣。其知之乎？

析講大全饒氏曰：樂正子初意只欲來齊見孟子，依王驥來視爲無繫要事，而不知一失身從之便是因失其親孟子所以切責之。蔡氏曰：說徒鋪啜亦是表正子心迹。

四書卷第十二
不孝章全旨

此章專爲舜而發。上節引起下節，正舜曲以全之。

孝而爲大孝，處非泛論事理，而以舜爲註也。

孟子曰：不孝有三，無後爲大。

趙氏曰：於禮有不孝者三事，謂阿意曲從，陷親不義，一也；家貧親老，不爲祿仕，二也；不娶，無子絕後，三也。

先祖祀三也，三者之中，無後爲大方。

卷序孟子曰：禮子不孝有三，而三者之中，無後猶爲不孝之大，蓋無後則先祖相傳之支派既絕，而父母之宗祀無主矣。其爲不孝，孰有大于是乎？

折講蒙引：不孝有三，皆是正路，上差了脚步者與世所謂五不孝不同。此章之言義之精者也。蓋不違其親孝也。意曲從，陷親不義，則不孝矣。自重難進，敬身爲大孝也。家貧親老，不爲祿仕，則不孝矣。或不得乎親，或家貧之甚，而不急乎娶，孝也。然不娶無子絕後，先祖祀則不孝矣。

舜不告而娶，爲無後也。君子以爲猶告也。

爲無之爲去聲。

舜告焉，則不得娶，而終於無後矣。告者禮也，不告者權也，猶

告言與告同也。蓋權而復用，則不離於正矣。范氏曰：天子之道，有正，有權。正者萬物之常權，者一時之用。常道人皆可守，權非體道者不能用也。蓋權出於不得已者也。若父非瞽瞍，子非大舜，而欲不告而娶，則天下之罪人也。

卷蒙引：知無後爲不孝之大，可以觀舜孝矣。舜當日不告于父母，而娶堯之二十女，原其用心，恐告則不得娶，爲無後也。

蓋告而娶，孝也不告，而娶以無絕，其先祖祀亦同歸于孝也。

君子曰：權不離正，此亦猶夫告也。舜真善盡事親之道者哉。

折講告不告，總爲無後計，而因不告以通其告之窮，既變通，

以成己之孝，又委曲以成親之慈。非猶告而何？

蒙引：按尚

書舜既克，諸以孝，瞽瞍尤若然。後四岳舉之，堯以妻之，則當

無不告而娶之事。蓋戰國時，人多奸事，處士恒安之如孔子

主廢宦，伊尹割烹，舜不告而娶。此類甚多。孟子大概亦謹所

聞，而以義理及已，意謬折之，不以一一覈其妄耳。

仁之章全旨

此孟子教人從孝弟以盡道也。仁義禮智樂皆性道之名目，而其根本切寔處，總不越于孝弟親從兄妹之間，可見孝弟之足重矣。是也。二字指點之詞。朱氏公選

曰：此章言仁義之寔，爲道之根本，而智禮樂皆在其中，故悉

言之使入于斯，二者知所勉也。五人寔字不可作五，子開看當以首節爲生，下三艮承上二艮說，然又不可把上節作論道理，下節作體，孝弟之學，看本文，謂氣俱是論其理，故也。式把用字對寔字看，不知裏親從兄亦是用只用中之寔在是耳。

孟子曰：仁之實，事親是也；義之實，從兄是也。

仁主於愛，而愛莫外於事親，義主於敬，而敬莫先於從兄。故仁義之道，其用至廣，而其實不越於事親從兄之間。蓋良心之發最爲切近，而精實者有子，以孝弟爲仁之本，其意亦猶此也。

朱子曰：道莫大于仁義，然其見于日用者固有根本，切寔之所在，必先主乎此，而後其華采枝葉有以發見于事業之間，是爲其寔。夫仁之寔，非他，事親是也。蓋吾心之真，愛莫切于事親，凡仁民愛物，皆自此推廣以出耳。義之寔，亦非他，從兄是也。蓋吾心寔莫敬莫先于從兄。

凡長長貴貴尊賢，自此推廣以出。

折講事親從兄是良心之真，切仁與義是斯道之統會。

全朱子曰：寔字有對名而言者，謂名寔之寔，有對理而言者，謂事寔之寔，有對華而言者，謂華寔之寔。今這寔字正是華寔之寔，仁義之寔，本只是言事親從兄推廣出去，便能愛人，利物，弟長忠君而爲仁義，之華采。事親從兄，是切近而真寔者，是仁義最先發處，觀孩提之童，無不知愛其親，稍長而無不知敬其兄，可見事親從兄爲人之良知，良能，大性之真，于焉發見于此，不失其本心，則一心純是惻怛順而仁義不可勝用矣。譬之于樹仁義其根也，事親從兄其幹也，而仁民愛物，貴貴尊賢，則其枝葉也。下智禮樂亦然。

智之寔，知斯二者弗去，是也。禮之寔，節文。斯二

者，是也。樂之寔，樂。斯二者，樂則生矣，生則惡可已也。惡可已，則不知足之蹈之，手之舞之。

樂斯

之樂，音洛，惡平聲。○斯二者，指事親從兄而言，知而弗去，則見之明，而守之固矣。節文，謂品節文章，樂則生矣，謂和順從容，無所勉强。事親從兄之意，油然自生，如草木之有生意。

也既有生意則其暢茂條達自有不可遏者所謂惡可已也其又盛則至於手舞足蹈而不自知矣○此章言事親從兄

良心真切天下之道皆原於此然必知之明而守之固然後節之密而樂之深也

參紹聞編蓋事親從兄二者乃天性之真于焉發見不徂爲仁義之寔而已也凡知之寔亦惟真知斯二者守之而不失去其長知是也性中之智已全而所以周知天下者從此出矣凡禮之寔亦惟節斯二者勿過文斯二者忽不及使品式儀度適乎隆殺之宜以謹其實能是也性中之禮已全而所以節文天下者從此出矣至于樂之道廣矣其寔亦惟于斯二者和順從容樂以行之無所勉而孝無所勉而弟則天性之真樂在我矣既至于樂則心中只管去順親愛去敬長一念孝弟意思真心油然自生既生便數暢茂條達就此充長生而其所以順親敬長者雖欲罷不能而惡可已也惡可已則不假言說心意自然形見血脉自然而然流湯手之舞之皆孝弟足之蹈之皆孝弟有不知其然而然者矣樂之寔不在此乎可見天下之道未有出于事親從兄之外者人亦于其寔而勉盡其道哉

折講知而弗去郎孩提知愛稍長知敬之知自能不去節文亦愛敬自然之節文如清溫徐行之類樂斯二者一句總包下文樂則生以卜總是一相遇形容樂中之節非樂之後又有許多節次也○註以守之曰解弗去二字須善會之非是有个人守只是見得透而良知不蔽無失其初心也以其爲本然之良知故曰智之寔凡知周事物皆自此推廣焉者也以其爲自然之天秩故曰禮之寔凡二千三百皆自此推廣焉者也凡和處皆是樂故樂之寔只在心上說不在聲容上說○事親從兄人皆可能而天下之道皆從此出則求道者洵不可不于寔求之也未順繖出此意方得勉人務孝弟之旨○如斯二者弗去節文斯二者樂斯二者俱要說得自然勿着行去有個矩度是節有個條理是文此天然自有之節文○樂則生矣至不知舞蹈一時俱有無甚漸大生字與寔字相應愛敬之念油然萌動于生愛敬之心時時接續曰惡可已手舞足蹈天理之真樂形見于動容之間而不自起也

天下章全旨

于孝親次節贊舜之孝能合天下以成其孝所以

爲大得是偶得其悅順是渾合不違註曲爲學順論親下道乃所以得所以順之故通章重舜盡親之道一句兩節事是相承惟心切于順親故能盡道而爲大孝也

孟子曰天下大悅而將歸已視天下悅而歸已猶草芥也惟舜爲然不得乎親不可以爲人不順乎親不可以爲子

言舜視天下之歸已如草芥而惟欲得其親而順之也得者曲爲承順以得其心之悅而已順則有以諭之於道心與之而未始有違尤人所難也爲人蓋沒言之爲子則愈密矣參序孟子曰世人以勢分役情聖人從性分立極如天下大悅而將歸已欲載我爲君此富貴之極人亦孰不欲之也顧乃視天下悅而歸已猶草芥之輕而毫不動心也惟舜爲然蓋舜遭天倫之變其心但知有親也其心以爲人生而不能曲意承頤得親歡心則人道有虧便不可以爲人而吾何以得親之心也人子而不能先意承志順親于道則子道有虧

便不可以爲子而吾何以順親之心也

此則兢兢負罪引慝之不暇又何他舜析講不得乎親四句正是舜之心所重處○人對天地所生而而言于對父母所生而言○大全饒氏曰順親者子所爲全乎道父母亦爲合乎道彼此無違逆之謂非順從之順如天下文底豫左是順○從承事上悅親心爲得從道理上合親心爲順歸重順親上惟順左爲真得也○得親順親二句雖未必寔有此語孟子体其心而爲之言耳○論親于道不專在言語曉諭上前說大人格君心之非目至誠以感動之格君順親俱要至誠

舜盡事親之道而瞽瞍底豫瞽瞍底豫而天下化瞽瞍底豫而天下之爲父子者定此之謂大孝

瞽瞍舜父名底致也豫悅樂也瞽瞍至頑嘗欲殺舜至是而底豫焉書所謂不格姦亦允若是也蓋舜至此而有以順乎

親矣是以天下之爲子者知天下無不可事之親顧吾所以
裏之者未若舜耳於是莫不勉而爲孝至於其親亦底豫焉
則天下之爲父者亦莫不慈所謂化也子孝父慈各以其所
而無不安其位之意所謂定也爲法於天下可傳於後世非
止一身一家之孝而已此所以爲大孝也○李氏曰舜之所
以能使瞽瞍底豫者盡事親之道共爲子職不見父母之非
而已昔羅仲素語此云只爲天下無不是底父母了翁謂而
善之曰唯如此而後天下之爲父子者定彼臣

弑其君子穢父者常始於見其有不是處耳
參淺說夫舜負罪引慝之心如此凡參豫諭志無所不用其
至舜所以能盡事親之道不惟有以得親且有以順親而瞽
瞍終底于豫其心與舜爲一矣夫以瞽瞍之視而底豫于是
天下之爲子者知無不可事之親莫不勉而爲孝天下之爲
父者因其子之孝亦底豫焉而莫不慈蓋舉天下之大而皆
化矣子化于孝則子止其所而天下之爲子者定父化爲慈
則父止其所而天下之爲父者定是舜不以一身一家爲孝
而直合天下後世以爲孝此之謂

析講底豫者始雖不豫而終致悅樂心與舜也化以心之
感通言定以人之盡分言○全重舜事親之道一句底豫不
重下兩承去俱重有以致之說天下化定重于邊天下定只
就天下化看出来重化邊天下之子感丁舜而化且定故天下
之父亦感于子而化且定舜因瞽瞍之底豫寔因舜之能底豫
瞍也化定俱在心上說予興于孝父亦興于慈是化子止形
孝父亦止于慈是定○夫子有曰舜其大孝也與
此之謂大孝是從那裏說來故下此之謂三十字乃

孟子卷之七

早稻田大学図書館

011888004183